

Ptače stawiznički – lěsnica

Hdyž njedawno přećela w Klukšu wopytach, pokaza mi wón hromadku šěrych kołbaskow. Chcych wědžeć, što to je – a wón wotmołwi, zo su to bluwanki lěsnicow! A na moje prašenje, što da bluwanki – němsce Gewölle – su, je wón mi tole rozkładł. Lěsnicy žeru myše – spóžrěja cytu myš. Ale dokelž maja sowy takrjec słaby žołdk, móža jenož mjaso myški požiwać. Kosće a kosmy myški wostanu w žołdku ležo a lěsnica je potom jako šěre kołbaski wubluwa. Tute bluwanki je mój přećel namakał pod šmrěkami, w kotrychž lěsnicy swoje młodźata picowachu. Wón je bluwanki z pincetu rozebrał a mi wuslědk pokazał. Bluwanki wobsteja z myšacych kosmow, z kosćikow a nopow – samo pysk młodeho ptačka běše pódla.